

bilbao **museoa**

Prestakuntza-bekak
Gondra Barandiarán –
Bilboko Arte Ederren
Museoa

2022-2023



DEIALDIA ETA HELBURUA

Gondra Barandiarán Fundazioak eta Bilboko Arte Ederren Museoa Fundazioak (aurrerantzean, museoak) gazteentzako prestakuntzako zarpri bekatarako deialdia egiten dute, museoak hainbat arlotako prestakuntzarako, gaitasun berriak eskuratzeko eta prestakuntza-garaian hartutako ezagutzak garatzeko aukera emateko, museoak profesionalen laguntzarekin eta lan-ingurunearekin harremanetan egonda.

Programa egiteko, ezinbestekoa izan da Gondra Barandiarán Fundazioaren babesa. Fundazioaren helburua, besteak beste, jarduera zientifikoak, teknikoak, artistikoak eta kulturalak bultzatzea, garatzea, babestea eta sustatzea da, prestakuntzarako laguntzak emanez eta pentsamendua sortzea bultzatuko duten jarduerak programatuz.

PROGRAMAREN BALDINTZAK

Iraupena

Programa 2022ko urriaren 1ean hasiko da, eta bederatzir hilabeteko iraupena izango du. Museoak erabaki ahal izango du emandako beka batzuk edo guztiak luzatzea, bekak jaso dituzten pertsonekin adostu ondoren. Bekaren iraupen osoa ez da hamar hilabete baino luzeagoa izango.

Ordutegia

Astelehenetik ostiralera, 09:00etatik 14:00etara.

Oporrak

Oporraldia egun hauen artean izango da: 2022ko abenduaren 26tik 2023ko urtarrilaren 5era, eta 2023ko apirilaren 3tik apirilaren 10era arte. Horrez gain, 2022ko eta 2023ko lan-egutegiko jaiegunak hartuko dira, eta bekadunek norberaren aukerako bi egun izango dituzte, programak irauten duen bitartean nahi duten unean hartzeko, aurrez museoari jakinarazi eta haren baimena jaso ondoren. Bestelako baimenak edo ez-etortzeak tutoreak baimendu beharko ditu, eta museoak Giza Baliabideen Sailari jakinarazi.

Oinarri juridikoa

Programan parte hartzeak ez du inola ere lan-harremanik sortuko bekaren onuradunaren eta museoaren artean. Hortaz, harremana egituratzeko, bi aldeek akordio pribatu bat sinatuko dute.

Beken onuradunei Gizarte Segurantzako Erregimen Orokorrean sartzeko mekanismoak aplikatuko zaizkie programak irauten duen bitartean, urriaren 24ko 1493/2011 Errege Dekretuari jarraikiz. Horretarako, museoak ezinbestean sartu beharko ditu Gizarte Segurantzaren beka titularrak, eta programari dagozkion kotizazioak egin beharko ditu Gizarte Segurantzaren Diruzaintza Nagusian.

Diru-kopurua

Diru-kopurua 500 euro gordinekoa izango da hilean. Museoak hileroko kenduko ditu indarreko legeriak ezartzen dituen zenbatekoak. Bekaren esleipendunari ordaintzen zaion kopuruak ez du izango inola ere soldata- edo ordainsari-izaera.

Museoak istripu-aseguru bat kontratatuko du bekadunentzat, gerta litezkeen gorabeherak estaltzeko, bai eta erantzukizun zibileko aseguru bat ere, programak irauten duen bitartean gauzei edo pertsonari eragin ahal dizkieten kalteak estaltzeko.

DEIALDIAREN IRAUPENA

2022ko apirilaren 29tik maiatzaren 20ra. Adierazitako dataren ondoren ez da eskabiderik onartuko.

BALDINTZA OROKORRAK

- Bekarekin hastean, kasu bakoitzean eskatzen den titulazioa bukatuta izatea.
- 1992ko urtarrilaren 1etik aurrera jaioa izatea.

ESKABIDEAK FORMALIZATZEA

Museoaren webgunean horretarako prestatu den online inprimakiaren bidez beteko dira eskabideak ([hemen](#)).

No se podrá optar a más de un área, reservándose el museo la facultad, con el consentimiento informado de la persona interesada, de valorar su candidatura para otro departamento si así lo estimara oportuno.

Dokumentazioa

- NANA edo agiri baliokidea.
- Curriculum vitae.
 - o CVan hizkuntzak dakizkizela adierazten dutenek hizkuntza-erakundeek edo hizkuntza-eskola ofizialek egindako dagozkion ziurtagiriak edo baliokideak ere aurkeztu beharko dituzte.
- Espediente akademikoa (batez besteko nota adierazi beharko da).

Artxibo bakarra bidaliko da, PDF formatuan. Museoak edozein unetan eskatu ahal izango ditu, beharrezkotzat jotzen badu, adierazitako dokumentuen jatorrizkoak. Kontsultak egiteko edo zalantzak argitzeko, jarri harremanetan honekin: Zerbitzu Orokorren eta Giza Baliabideen Zuzendariordetza (tel.: 94 439 60 60)

HAUTATZEKO PROZESUA

Hautatzeko prozesuaren **aurretzeko fasean**, museoak behar bezala zainduko du oinarrietan ezarritako eskakizun orokorrak eta bereziak betetzen ote diren. Eskatutako dokumentazioa finkatutako epearen barruan aurkezten ez duen hautagaiari eskatu ahal izango zaio hiru egun baliodunetan akats hori zuzendu dezan. Epe hori igarotakoan ez badu aurkeztu, automatikoki baztertua izango da. Aurrehautaketa hori egin ondoren, eskabideen balorazioak 50 puntu izango ditu gehienez, eta honako hauek izango dira faseak eta bakoitzeko puntuazioak. Museoak irizpideak interpretatzeko ahalmena izango du, betiere, arlo edo sail bakoitzaren zehaztapenak kontuan izanda, eta irizpide orokorretan finkatutako mugak betez:

Lehenengo fasea: 30 puntu

Hautagaiaren curriculum, espediente akademikoa eta gaitasunak baloratzea.

Bigarren fasea: 20 puntu

Bakarkako elkarrizketa; gutxienez 3 eta gehienez 5 pertsonari egingo zaie elkarrizketa beka bakoitzeko, eta, nolana ere, lehen fasean puntu gehien eskuratu dituztenak izango dira pertsona horiek. Museoak zuzenean jarriko da harremanetan bigarren faseko hautatu diren pertsonekin. Gainera, museoak hautatuen zerrenda bat argitaratuko du webgunean ([hemen](#)), elkarrizketaren eguna eta ordua adierazita dituela.

EBAZPENA

Hautaketa-fasea amaitu ondoren, museoak titularren eta ordezkoren zerrenda prestatuko du, programaren iraupen-aldian hasieratik edo bat-batean izandako ukoak betetzeko, eta museoaren webgunean emango du argitara ([hemen](#)), 2022ko ekainaren 20tik aurrera. Jarraian, museoak hautatuak izan diren pertsonari jakinaraziko die ebazpena, eta, era berean, beka esleipena bete gabe utzi dela jo ahal izango du, erabat edo era partzialean.

BATERAEZINTASUNAK

Beka hauek prestakuntza-izaera hutsekoak dira, eta bateragarriak dira ordaindutako bestelako lanekin nahiz beste erakunderen batek emandako bekekin, bidaia-politsekiko edo laguntza ekonomikoekin, betiere, bekak finkatutako ordutegian eraginik ez badu.

Beka behin bakarrik jaso ahal izango da.

Ezin izango dira beka honetara aurkeztu beka hau edo museoan aurretik izandako prestakuntzarako beste bekaren bat jaso duten pertsonak.

BETEBEHARRAK

Hautatutako pertsonak idatziz onartu beharko dute beka, eta, horretarako, mezu elektronikoko bat bidali beharko dute adierazten zaien helbide elektronikora, bost egun naturaleko epean, museoak beka eman diela jakinarazten dietetik hasita. Beka ezarritako epearen barruan onartu ezean, uko egiten diotela ulertuko da, eta ordezkoren zerrendan agertzen den hurrengo pertsonari emango zaio.

Beka onartzeak oinarri hauekiko klausulak onartzea dakar, eta akordio pribatua sinatu beharko da museoarekin, zeinaren bidez honako betebeharrak ere onartzen baitira:

- Konfidentzialtasunari buruzko konpromisoa sinatu beharko dute museoarekin.
- Baimena emango diete Gondra Barandiarán Fundazioari eta museoari, haien izena haien webguneetan eta memorietan ager dadin.
- Bekadunek hitz emango dute programan zehaztutako zereginak eta tutoreari egoki iruditzen zaizkion jarduerak beteko dituztela.
- Berariaz bete beharko dituzte laneko higiene eta segurtasuneko arauak, berehalak beteko beharrekoei baitira, haien osotasun fisikoan eta museoan zerbitzua eskaintzen duten pertsonen osotasunean eragina dutelako.
- Oinarrietan finkatutako ordutegia bete beharko dute.

PROGRAMAREN GARAPENA

Kasuan kasuko sail edo arloko arduradunak gainbegiratuko du jardueraren garapena; hark bekadunen tutoretza eta jarraipena egingo du, eta programa bukatu ondoren azken txostena prestatuko du.

Era berean, bekadunek azken memoria prestatu beharko dute.

Bi dokumentu horiei esker, museoak ziurtagiria egin ahal izango die bekadunei, programako helburuak bete dituztela egiaztatzeko.

BEKA DEUSEZTATZEA

Bekadunak aurrez adierazitako betebeharrak betetzen ez baditu, museoak eskumena izango du bekaren baliatze-aldia amaitutzat emateko. Horrek ez du eragotziko egokiak izan daitezkeen bestelako ekintzak egin ahal izatea.

Ez-bertaratze oro justifikatu beharko da. Ez-bertaratzea zerbitzu medikoek halakotzat jotako aldi baterako ezintasun baten ondorio bada, eta 35 egun baino gehiagoan ez bertaratzea eragiten badu, beka deuseztatu ahal egingo da.

Aldi baterako ezintasunaren ondorioz beka deuseztatzen bada, bekadunak lehentasuna izango du hurrengo beka-programako beka jasotzeko, baldin eta ez bada programaren % 50 baino gehiago igaro, eta ematen den egunean hura lortzeko gainerako baldintzak betetzen baditu.

Bekadunak uko egin ahal izango dio bekari, indarrean dagoen bitartean, baina aurrez museoari jakinarazi beharko dio, gutxienez 15 egun lehenago. Uko eginez gero, eten egingo dira bekaren diru-kopururik ordaindu gabe dauden hileko ordainketak. Bestalde, programaren iraunaldiaren % 50 gainditu ondoren uko eginez gero, museoak ez du plaza bete beharrik izango.

OINARRIAK ALDATZEA

Museoak oinarri hauek aldatzea erabaki ahal izango du, eta, ondorio horretarako, nahikoa izango da bere webgunean argitaratzea ([hemen](#)).

DEIALDIAN ATERATAKO PLAZAK

ARTXIBOA ETA DOKUMENTAZIOA (2 beka)

Museoaren funts artistikoa eta haren jarduerak kudeatu, zaindu, sailkatu eta ezagutzera emango ditu.

ARTXIBOA ETA DOKUMENTAZIOA 1

Helburua

- Museoaren eta EMSIMEren (Euskadiko museoaren dokumentazio eta kudeaketa museografikoaren sistema bateratua) dokumentuen kudeaketarako zeregin propioetan parte hartzea.

Baldintzak

- Lizentzia edo gradua Artearen Historian, Humanitateetan, Dokumentazioan edo antzeko titulazioetan.

Baloratuko da

- Euskara, ingelesa eta frantsesa jakitea eta egiaztatzea.
- Datu-baseak kudeatzeko, funts dokumentalak sailkatzeko eta artxibatze eta digitalizatzeko ezagutzak izatea.

ARTXIBOA ETA DOKUMENTAZIOA 2

Helburua

- Museoaren eta EMSIMEren (Euskadiko museoaren dokumentazio eta kudeaketa museografikoaren sistema bateratua) argazkien eta ikus-entzunezkoen funtsa kudeatu eta erregistratzeko zereginetan parte hartzea.

Baldintzak

- Lizentzia edo gradua Artearen Historian, Arte Ederretan, Ikus-entzunezkoetan, Dokumentazioan edo antzeko titulazioetan.

Baloratuko da

- Euskara, ingelesa edo/eta frantsesa jakitea eta egiaztatzea.
- Argazkilaritzari, ikus-entzunezko baliabideei eta irudien tratamendu digitalari buruzko ezagutza.

HEZKUNTZA

Jarduera eta programa didaktikoak abiaraziko ditu, gehienbat museoko bilduma iraunkorren eta aldiakako erakusketen ezagutza sustatzeko, eta ahalik eta ikusle-mota gehienengana helarazteko.

Helburua

- Museoaren Hezkuntza Programa egiteko eta garatzeko faseetan parte hartzea: proiektua sortzen denetik martxan jarri arte; jardueren txostenak egin eta implementatzea, eta jardueren eragina neurtzea (inkestak hustea, jardueren jarraipena egitea eta gauzatzea, eta azken ebaluazioa).

Baldintzak

- Lizentzia edo gradua Artearen Historian, Arte Ederretan edo antzeko titulazioetan.

Baloratuko da

- Euskara, ingelesa eta frantsesa jakitea eta egiaztatzea.
- Graduondoa edo masterra, hezkuntzaren edo/eta komunikazioaren alorrean.
- Irudiak eta datu-baseak aurkezteko eta haien tratamendu digitalaz arduratzeko tresna informatikoei buruzko ezagutzak.

ERREGISTROA

Moldatu, mugarritu eta kudeatu egingo du museoaren funts artistikoa, eta, orobat, dokumentu- eta argazki-artxiboa, bildumako artelanen erregistroa eta inbentarioa, eta haien mugimenduen kontrola egingo du. Museoari aldi bateko erakusketen programa kudeatuko du: zehaztu, lankidetzaz-hitzarmenak egin, maileguak koordinatu, aseguruak eta garraioa, komisarioak koordinatu, dokumentuak kudeatu, kudeaketa ekonomikoa egin eta muntaia teknikoki koordinatu.

Helburua

- Bildumaren erregistroaren kudeaketari eta obren mugimenduen kontrolari dagozkion zereginetan parte hartzea, erakusketak-proiektuak dokumentatzea, eta aretoko muntatzeak eta argazki-saioak antolatzea.

Baldintzak

- Lizentzia edo gradua Artearen Historian, Arte Ederretan edo antzeko titulazioetan.

Baloratuko da

- Euskara eta ingelesa jakitea eta egiaztatzea.
- Graduondokoa edo masterra museologian edo antzeko zerbaitetan.
- 2 eta 3D-ko diseinuko eta irudien tratamendu digitaleko tresna informatikoei buruzko ezagutza.

ARGITALPENAK

Museoaren argitalpen guztien kudeaketa osoz arduratuko da, eta ardura berezia jarriko die aldi baterako erakusketen katalogoei, gidei eta alor zientifikoko bestelako idatziei. Gainera, museoaren jarduerekin lotutako hainbat idatziren ekoizpenaz arduratuko da (jardueren programak, bisitarien gidak, hezkuntza-koadernoak, etab.), eta beste sail batzuei euskarri editorial eta grafikoak eskainiko dizkie, kartelak, errotuluak eta abar sortzen lagunduz.

Helburua

- Argitalpenak ekoizteko berezko zereginetan parte hartzea: argazki-materiala eskatzea, testuen zuzenketa, hornitzaileen koordinazioa, eta abar.

Baldintzak

- Lizentzia edo gradua Humanitateetan, Filologian edo Artearen Historian.

Baloratuko da

- Euskara eta ingelesa jakitea eta egiaztatzea.
- Graduondokoa edo masterra izatea edizioan edo antzeko titulazio batean eta/edo testuen zuzenketako prozesuak ezagutzea.
- Maketazioko tresna informatikoei (InDesign) eta argazki-modelaketako programak (Photoshop) ezagutzea.

ZERBITZU OROKORRAK (2 beka)

Museoari zerbitzu orokorrez eta azpiegituz arduratuko da, esate baterako, barneko zerbitzuez, erakusketak muntatzeko eta desmuntatzeko lanez, artelanak manipulatzeaz eta mugitzeaz, eraikinaren eta haren azpiegituren mantentze-lan prebentiboek eta zuzengarriez, argiteriaz, sistemez eta segurtasunaz.

ZERBITZU OROKORRAK 1**Helburua**

- Museoa handitzeko eta eraberritzeko lanen prozesuan parte hartzea, eta, orobat, erakusketen espazioak eta azpiegiturak diseinatzeko zereginetan, aretoen muntatze- eta desmuntatze-lanetan, eta planoak egiten eta berrikusten parte hartzea.

Baldintzak

- Lizentzia edo gradua Arkitekturan, Arkitekturaren Oinarrietan edo antzeko titulazioetan.

Baloratuko da

- Euskara eta ingelesa jakitea eta egiaztatzea.
- Ezagutzak edo graduondoko edo masterreko ikasketak izatea erakusketen diseinuaz eta muntaketaz, museografiaz eta/edo kultura-ondarearen kudeaketaz, edota antzeko titulazioen bat.
- Eraikinen edo espazioen planoen marrazketa digitalerako eta/edo rudiak 3D-n birsortzeko edizioko softwarea ondo ezagutzea.

ZERBITZU OROKORRAK 2**Helburua**

- Museoa handitzeko eta eraberritzeko lanen prozesuan parte hartzea, eta, orobat, instalazioen mantentze- eta muntatze-lanen zereginetan, planoak egin eta berrikusten, eta museoaren argizatze- eta sistema-lanen bestelako zereginetan parte hartzea.

Baldintzak

- Lizentzia edo gradua Teknologia Industrialeko Ingeniaritzan, Ingeniaritza Elektrikoan, Ingeniaritza Mekanikoan, Ingeniaritza Elektroniko Industrial eta Automatikoan edo antzeko titulazioetan.

Baloratuko da

- Euskara eta ingelesa jakitea eta egiaztatzea.
- Ezagutzak edo graduondoko edo masterreko ikasketak izatea Ingeniaritza Industrialean, Ingeniaritza Mekanikoan edo antzeko titulazioetan.
- Instalazioen planoen marrazketa digitalerako edizioko softwarea ondo ezagutzea.
- Kontrol klimatiko nahiz elektrikorako eta argiaren kontrolerako, eraikinetako instalazioak eta kudeaketa sistemak (BMS, Building Management Systems) integratzeko eta programatzeko softwarea ondo ezagutzea.

bilbao **museoa**

Prestakuntza-bekak
Gondra Barandiarán –
Bilboko Arte Ederren
Museoa

2022-2023

